

თამარ მეფის სახე ბეთანიის  
ეკლესიაში

შენს წმინდა სახეს,  
შვენებით სავსეს,  
სახიერებით განსხივებულსა,  
ვუმზერ კრძალვითა,  
თაყვანცემითა,  
ცრემლ-მორეული გემთხვევი ფერხთა!  
მიხარის დ გიმზერ,  
ვჰსწუხვარ დ და გიმზერ,  
და ესრეთ მზერა მსურს სიკვდილამდე,  
არ გამოვფხიზლდე,  
რომ აღარ ვჰგრძნობდე  
ჩემი სამშობლოს სულით დაცემას!..  
ყვავილოვანი

წალკოტი შენი,  
შენის დიდების სხივ-მოკლებული,  
აღარა ჰშვენის,  
აღარ გვიბრწყინვის  
შავ დროთაა ძალით, ფერ წახდენილი!..  
და, ვით განვლილსა  
სიზმარსა ტკბილსა,  
მზეს დიდებულად ჩასვენებულსა,  
ვიგონებთ შენს დროს,  
გული გვიმაგროს,  
სრულად არ წავჰსწყდეთ ცის შემრისხავნი!  
ხნით დამაშვრალი,  
დაღონებული,  
შენადვე, მეფევ, მოველ ვედრებით:  
მოხედო ბედკრულს  
შენს სატრფოს დ მამულს,  
და ჯვარით\*\* შენით აკურთხო კვალად.  
შენი ივერი  
აღსდგეს ძლიერი,  
და დადგეს ერად სხვა ერთა შორის,  
წმიდით საყდარით,  
ენით მდიდარით,  
სწავლისა შუქიო განათებული!  
ზნე ამაღლებით,  
ძლევის დიდებით,  
სამშობლო მიწის სიყვარულითა! დ

და გაგვიცოცხლდეს,  
რომ კვლავც მოგვესმეს  
სიტყვა ქართული რუსთაველისა.  
რომ განვიღვიძნეთ,  
სულით განვახლდეთ,  
და განქრეს ბნელი უმეცრებისა!..  
...მარამ ცად თვალნი  
გაქვს მიქცეულნი,  
და მე ველარ მცნობ გულ-შემუსვრილსა,

\* შემოსვლა ლანგ-თემურისა და შაჰ-აბაზისა, რომელთა საშინლად გააოხრეს ჩვენი ქვეყანა. ქართველთა დაარქვეს შავი დრო ამათ შემოსვლასა.

\*\* როდესაც საქართველოს ჯარი შაიყრებოდა სალაშქროდ, თამარ მეფე თვით აკურთხებდა მას ჯარსა ჯვართითა.

დამცირებულსა,  
ხმა-მიღებულსა,  
ბედ-დაკარგულის ივერიის ძეს!  
ექვით აღვსილსა,  
უსასოდ ქმნილსა,  
გულ-უიმედოს, გაუხარებელს!..  
ვაჰ თუ რაც წახდეს  
ველარა აღჰსდგეს,  
ველარ აღყვავდეს ახლის შვენებით?  
და რაც დაეცა  
ის წარიტაცა  
შავმან ყორანმა ვით უმწე მსხვერპლი!  
ჰე, ცრუ სოფელო,  
| დაუნდობელო,  
შენში კეთილი სად არს ფერ-უცვლელ?  
დიდება ჩვენი,  
ცად სხივ-მიმფენი,  
ნუთუ ესლა გვაქვს, ვჰხედავთ რასაცა?  
დაყრუებულსა,  
გზა შეუვალსა,  
უდაბურს ტყეში ტამარს დარღვეულს,  
სად სახე მეფის,  
დიდის თამარის,  
.სჩანს ძველს კედელზე გამოხატულად!..

1877 წ.